



O'ZBEKISTON RESPUBLIKASI VAZIRLAR MAHKAMASINING QARORI

20 24 yil « 25 » mart

№ 153

Toshkent sh.

Ўзбекистон Республикасининг “Техник жиҳатдан тартибга солиш тўғрисида”ги Қонунини амалга ошириш чора-тадбирлари ҳақида

Ўзбекистон Республикасининг “Техник жиҳатдан тартибга солиш тўғрисида”ги Қонунини амалга оширишни таъминлаш мақсадида Вазирлар Маҳкамаси **қарор қилади:**

1. Ўзбекистон Республикасининг “Техник жиҳатдан тартибга солиш тўғрисида”ги Қонунига мувофиқ:

техник жиҳатдан тартибга солиш соҳасидаги эксперт комиссияси махсус ваколатли давлат органи ва (ёки) ваколатли республика ижро этувчи ҳокимият органлари ҳузурида техник регламентлар лойиҳаларини, уларга доир ўзгартириш ва қўшимчаларни экспертизадан ўтказиш, шунингдек, амалдаги техник регламентларни бекор қилиш бўйича таклифлар ҳамда уларга оид хулосалар тайёрлаш учун тузилиши;

янги техник регламент ишлаб чиқилган ёки амалдагиларига ўзгартиришлар киритилган тақдирда, техник регламентларни ишлаб чиқувчилар Жаҳон савдо ташкилотига (кейинги ўринларда – ЖСТ) аъзо давлатлар ва манфаатдор томонларга Ахборот маркази орқали тегишли ахборот (хабарнома)ларни тақдим қилиши назарда тутилганлиги маълумот учун қабул қилинсин.

2. ЖСТнинг Савдодаги техник тўсиқлар (кейинги ўринларда – СТТ) тўғрисидаги битими доирасида маълумот алмашиш ва СТТ масалалари бўйича хабар бериш функцияларини бажариш мақсадида Вазирлар Маҳкамаси ҳузуридаги Ўзбекистон техник жиҳатдан тартибга солиш агентлигининг Ўзбекистон Стандартлар институти тузилмасида **ходимларнинг белгиланган умумий сони доирасида 4 та штат бирлиги ажратилган ҳолда, Савдодаги техник тўсиқлар бўйича ахборот маркази** (кейинги ўринларда – Ахборот маркази) **ташқил этилсин.**

Ахборот марказига республикада техник регламентлар ва мувофиқликни баҳолаш тартиб-қоидаларини ишлаб чиқиш, қабул қилиш ва амалиётда қўллаш бўйича ЖСТ котибияти, ЖСТга аъзо давлатлар ва бошқа манфаатдор томонлар билан ахборот алмашиш бўйича ҳамкорлик қилиш вазифалари юклансин.

Ижро этувчи ҳокимият органлари ЖСТ котибияти ва унга аъзо давлатларни СТТ масалалари бўйича хабардор қилиш ва улар томонидан келиб тушган сўровларга ўз ваколати доирасида батафсил жавоб тайёрлаши ҳамда зарур маълумотлар билан бирга Ахборот марказига тақдим этилишини таъминласин.

3. Қуйидагиларни назарда тутувчи:

а) **Техник жиҳатдан тартибга солиш соҳасидаги эксперт комиссияси тўғрисидаги низом** 1-иловага мувофиқ:

эксперт комиссиясини шакллантиришнинг умумий қоидалари;

эксперт комиссиясининг вазифа ва ҳуқуқлари, комиссия аъзоларининг мажбуриятлари ва жавобгарлиги;

эксперт комиссияси фаолиятини ташкил этиш, комиссиянинг ишчи органлари ваколатлари;

ишлаб чиқилган техник регламентлар, уларга киритиладиган ўзгартириш ва қўшимчаларнинг лойиҳаларини экспертизадан ўтказиш, шунингдек, техник регламентларни бекор қилиш бўйича таклифларни кўриб чиқиш тартиби;

б) **Савдодаги техник тўсиқлар бўйича ахборот маркази тўғрисидаги низом** 2-иловага мувофиқ тасдиқлансин:

Ахборот маркази фаолиятининг асосий йўналиши;

ЖСТ Котибиятига ва бошқа манфаатдор томонларга хабарномаларни тайёрлаш ва тақдим этиш тартиби;

ЖСТга аъзо мамлакатлардан СТТ соҳасида ишлаб чиқилиши режалаштирилаётган ёки қабул қилинган ҳужжатлар тўғрисидаги хабарномаларни қабул қилиш, қайта ишлаш ва муҳокама қилиш тартиби;

ЖСТнинг СТТ бўйича хабарномаси шакли, уни тўлдириш йўриқномаси.

4. Ўзбекистон Республикаси Ҳукуматининг 3-иловага мувофиқ айрим қарорларига ўзгартиришлар киритилсин.

5. Ўзбекистон Республикаси Ҳукуматининг 4-иловага мувофиқ айрим қарорлари ўз кучини йўқотган деб ҳисоблансин.

6. Ушбу қарорнинг бажарилишини назорат қилиш Ўзбекистон Республикаси Бош вазирининг ўринбосари Ж.А. Ходжаев зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2024 йил 25 мартдаги 153-сон қарорига
1-илова

Техник жиҳатдан тартибга солиш соҳасидаги эксперт комиссияси тўғрисида НИЗОМ

I боб. Умумий қоидалар

1. Ушбу Низом техник жиҳатдан тартибга солиш соҳасидаги эксперт комиссиясини (кейинги ўринларда – эксперт комиссияси) шакллантириш ва уларнинг фаолиятини ташкил этиш тартибини белгилайди.

2. Эксперт комиссияси ишлаб чиқилган техник регламентларни, техник регламентларга киритиладиган ўзгартириш ва қўшимчалар лойиҳаларини (кейинги ўринларда – техник регламентлар лойиҳалари) экспертизадан ўтказиш, шунингдек, амалдаги техник регламентларни бекор қилиш бўйича таклифлар ҳамда улар юзасидан хулосалар тайёрлаш учун Вазирлар Маҳкамаси ҳузуридаги Ўзбекистон техник жиҳатдан тартибга солиш агентлиги ва (ёки) тегишли соҳада давлат сиёсатини юритувчи республика ижро этувчи ҳокимият органлари (кейинги ўринларда – ваколатли органлар) ҳузурида тузилади.

3. Техник регламентлар лойиҳалари техник жиҳатдан тартибга солиш соҳасидаги қонунчилик ҳужжатларига мувофиқлигини баҳолаш, шунингдек, маҳсулотлар ва (ёки) жараённинг хавфсизлигини таъминлаш учун зарур бўлган минимал талаблар етарли даражада белгиланганлигини, улар республиканинг халқаро мажбуриятларига мувофиқлигини, моддий-техник базани ҳамда илмий-техник жиҳатдан ривожлантириш даражасига мувофиқлигини таҳлил қилиш мақсадида экспертизага юборилади.

4. Эксперт комиссияси ўз фаолиятида Ўзбекистон Республикасининг Конституциясига, Ўзбекистон Республикасининг қонунларига, Ўзбекистон Республикаси Олий Мажлисининг палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамаси қарорлари ва фармойишларига ҳамда бошқа қонунчилик ҳужжатларига, шунингдек, ушбу Низомга амал қилади.

5. Эксперт комиссиясининг таркиби ваколатли орган раҳбари томонидан тасдиқланади.

II боб. Эксперт комиссиясининг вазифалари ва ҳуқуқлари

6. Қуйидагилар эксперт комиссиясининг асосий вазифалари ҳисобланади:

ишлаб чиқилган техник регламент лойиҳаларини экспертизадан ўтказиш;

техник регламентларни қабул қилишга асос бўлган ҳолатлар ёки сабаблар эндиликда мавжуд бўлмаса ёхуд ушбу ҳолатлар ёки сабабларнинг ўзгариши савдога нисбатан камроқ чекловли таъсир кўрсатадиган усуллардан фойдаланишга имкон берадиган ҳолларда техник регламентларни бекор қилиш бўйича таклифларни тайёрлаш;

ўз ваколатлари доирасида хулосалар бериш, техник регламентларни тасдиқлаш ёки такомиллаштиришга қайтадан юбориш бўйича таклифлар киритиш.

7. Эксперт комиссияси қуйидаги ҳуқуқларга эга:

техник регламентларни экспертизадан ўтказишга давлат органлари ва ташкилотлари, лойиҳалаштириш, илмий-техник ва илмий-тадқиқот ташкилотлари ҳамда тадбиркорлик субъектлари мутахассисларини жалб этиш;

ишлаб чиқувчи ташкилотлардан, яъни давлат органлари ва ташкилотларидан техник регламентлар лойиҳалари бўйича зарур ахборотни сўраш ва олиш;

ўз ваколатлари доирасида тегишли ваколатли орган орқали Вазирлар Маҳкамасига техник регламентларга ўзгартириш ва (ёки) қўшимчалар киритиш юзасидан таклифлар киритиш;

техник регламент лойиҳасининг талаблари бўйича тушунтириш бериш учун ишлаб чиқувчиларни жалб қилиш.

III боб. Эксперт комиссияси аъзоларининг мажбуриятлари ва жавобгарлиги

8. Эксперт комиссияси аъзолари:

эксперт комиссияси ишида, қарорлар қабул қилинишида овоз беришда қатнашиши;

қўриб чиқиш учун киритилаётган техник регламентларнинг лойиҳалари бўйича тегишли хулосаларни ўз вақтида тақдим этиши;

ушбу Низом талабларига риоя қилиши лозим.

9. Эксперт комиссияси аъзолари ишлаб чиқилган техник регламентлар лойиҳалари, техник регламентларга ўзгартириш ва (ёки) қўшимчалар киритиш бўйича ўтказилган экспертизанинг тўлиқлиги ва холислиги, шунингдек, техник регламентларни бекор қилиш бўйича таклифлар, улар юзасидан хулосалар тайёрланиши ҳамда тақдим этилиши учун жавобгар ҳисобланадилар.

IV боб. Эксперт комиссиясини шакллантириш

10. Эксперт комиссияси комиссия раиси, раис ўринбосари, комиссия котиби ва аъзоларидан иборат таркибда шакллантирилади.

Эксперт комиссиясининг аъзолари сони тоқ ва комиссия раисини ўз ичига олган ҳолда камида 7 кишидан иборат бўлиши керак.

11. Ваколатли органнинг раҳбари ёки раҳбарнинг ўринбосари эксперт комиссияси раиси ҳисобланади.

12. Эксперт комиссияси таркибига:

техник регламентлар талабларига риоя этилиши юзасидан давлат назоратини амалга оширадиган ваколатли органлар ва республика ижро этувчи ҳокимият органлари вакиллари;

иқтисодиёт тармоқларидаги тадбиркорлик субъектлари (умумий таркибга нисбатан 30 фоиздан кам бўлмаслиги керак), Савдо-саноат палатаси вакиллари;

лойиҳалаштириш, илмий-техник ва илмий-тадқиқот ташкилотлари ҳамда лабораториялар мутахассислари киритилади.

13. Техник жиҳатдан тартибга солиш объектининг тармоқ мансублигидан келиб чиққан ҳолда техник регламент кўриб чиқилишидан манфаатдор бўлган:

техник регламентни жорий этадиган давлат органлари ва ташкилотлари;

қайта кўриб чиқилиши, ўзгартиришлар киритилиши ёки техник регламентлар қабул қилиниши муносабати билан бекор қилиниши лозим бўлган маҳсулотга, жараёнларга ўзаро боғлиқ норматив ҳужжатларни тасдиқлаган (қўллайдиган) давлат органлари ва ташкилотлари, техник қўмиталарнинг етакчи олимлари ва мутахассислари ҳам эксперт комиссияси таркибига киритилиши мумкин.

14. Эксперт комиссияси таркиби ушбу Низомнинг 12–13-бандларида кўрсатилган ташкилотлар таклифи бўйича ваколатли органнинг қарори билан тасдиқланади.

V боб. Эксперт комиссияси фаолиятини ташкил этиш

15. Эксперт комиссиясига раис раҳбарлик қилади.

Эксперт комиссияси раиси:

кун тартибини белгилайди ва эксперт комиссиясининг мажлисларини чақиради;

эксперт комиссиясига юкланган вазифаларнинг бажарилиши бўйича комиссия аъзолари ишини мувофиқлаштиради;

эксперт комиссиясининг самарали ишлашини таъминлайди.

16. Эксперт комиссияси мажлисини раис олиб боради. Эксперт комиссияси мажлиси унда комиссия аъзоларининг тўртдан уч қисми қатнашганда ҳуқуқий ваколатли бўлади. Комиссия раиси иштирок этмаган тақдирда, мажлисни унинг ўринбосари олиб боради.

17. Эксперт комиссиясининг котиби этиб ваколатли органнинг масъул ходими тайинланади.

Котиб:

экспертизага келиб тушган техник регламент лойиҳалари ва тегишли ҳужжатлар тўпламини эксперт комиссияси аъзоларига етказди;

навбатдаги мажлисга барча зарур ҳужжатларнинг ўз вақтида тайёрланишини таъминлайди;

кун тартибидаги масалалар бўйича эксперт комиссияси мажлисларини ўтказиш муддати ва жойини, шунингдек, таклиф этилувчиларни эксперт комиссияси раиси билан келишади;

Эксперт комиссиясининг аъзоларини ва таклиф этилган шахсларни мажлисининг ўтказиладиган санаси, вақти ҳамда жойи ҳақида хабардор қилади.

18. Узрли сабабларга кўра мажлисда қатнашмаган комиссия аъзоларини, уларнинг овоз бериш ҳуқуқисиз қатнашаётган вакиллари билан алмаштириш мумкин.

VI боб. Эксперт комиссиясига ҳужжатлар тўпламини тақдим этиш ва экспертиза ўтказиш тартиби

19. Техник регламент лойиҳалари ушбу Низомга 1-иловада келтирилган схемага асосан экспертизадан ўтказилади.

20. Давлат органлари ва ташкилотлари техник регламентлар лойиҳаларини ваколатли органлар ҳузуридаги эксперт комиссиясига экспертизадан ўтказиш учун қуйидагиларни илова қилган ҳолда киритади:

техник регламент ёки техник регламентга киритилаётган ўзгартириш ва қўшимчалар лойиҳаси;

техник регламентни ишлаб чиқиш тўғрисидаги маълумотлар эълон қилинганлигини тасдиқловчи лойиҳани ишлаб чиқиш тўғрисидаги хабарнома нусхаси;

техник регламент лойиҳаси бўйича манфаатдор томонларнинг ҳамда жамоатчилик муҳокамалари натижасида олинган мулоҳазалар ҳақидаги маълумотнома;

техник регламент лойиҳасини манфаатдор вазирлик ва идоралар билан келишиш натижалари тўғрисида келишмовчиликлар жадвали (агар мавжуд бўлса);

қабул қилиниши техник регламент талабларига риоя этилишини таъминлайдиган стандартлар рўйхати;

техник регламентда белгиланган маҳсулотлар мувофиқлигини баҳолаш учун зарур бўлган намуналар олиш, синаш ва ўлчаш усуллари белгилайдиган стандартларнинг рўйхати;

техник регламентни амалга ошириш бўйича ташкилий ва техник тадбирлар режаси.

21. Эксперт комиссияси техник регламент лойиҳасини кўриб чиқиш давомида қўшимча материалларни, шу жумладан, илмий-тадқиқот ва тажриба-конструкторлик ишлари бўйича ҳисоботларни (ишлаб чиқаришни технологик жиҳатдан тайёрлаш натижаларини, синаш лабораториялари аккредитацияси тўғрисидаги маълумотлар ва бошқалар) сўрашга ҳақли.

22. Техник регламент лойиҳаси эксперт комиссияси томонидан унинг техник жиҳатдан тартибга солиш соҳасидаги давлат сиёсати, Ўзбекистон Республикасининг “Техник жиҳатдан тартибга солиш тўғрисида”ги Қонунига ва бошқа қонунчилик ҳужжатларига мувофиқлиги нуктаи назаридан экспертизадан ўтказилади.

Техник регламент лойиҳасининг экспертизаси доирасида қуйидагилар амалга оширилади:

техник регламент лойиҳаси сифатли ишлаб чиқилганлиги, асосланганлиги, долзарблиги ва техник жиҳатдан тартибга солиш соҳасидаги қонунчилик ҳужжатларига мувофиқлиги баҳоланади;

маҳсулотлар ва (ёки) жараённинг хавфсизлигини таъминлаш учун зарур минимал талаблар етарли белгиланганлиги, ушбу талаблар республиканинг халқаро мажбуриятларига мувофиқлиги, моддий-техник базани ҳамда илмий-техник жиҳатдан ривожлантириш даражасига мувофиқлиги таҳлил қилинади;

техник регламентни қабул қилишдан келиб чиқиши мумкин бўлган салбий оқибатлар таҳлил қилинади;

техник регламент лойиҳаси техник регламент баёни ва мазмунининг тўғрилиги, экологик норма ва талабларга мувофиқлиги, ўлчашларни ягона бирликда бўлишини таъминлаш тизимига мувофиқлиги ҳамда давлат ва тармоқ терминологик стандартларида белгиланган илмий-техник атамалар қўлланилиши нуқтаи назаридан кўриб чиқилади.

23. Эксперт комиссияси аъзоси техник регламент лойиҳаси олинган пайтдан бошлаб 15 календарь кундан ортиқ бўлмаган муддатда экспертиза натижалари бўйича ўз мулоҳаза ва таклифларини эксперт комиссияси котибига тақдим қилади.

VII боб. Эксперт комиссияси томонидан қарор қабул қилиш ва унинг бажарилишини ташкил этиш

24. Эксперт комиссияси мажлисида техник регламент лойиҳаси юзасидан экспертиза натижалари асосидаги мулоҳаза ва таклифлар бўйича маълумотномалар ёки техник регламентларни бекор қилиш тўғрисидаги таклифлар ва улар юзасидан хулосалар кўриб чиқилади.

25. Техник регламентни ишлаб чиқувчи эксперт комиссиясининг якуний йиғилишида иштирок этади. Мунозарали масалалар юзага келганда, ишлаб чиқувчи эксперт комиссиясига тегишли халқаро ва (ёки) минтақавий стандартларни, қоидаларни ҳисобга олган ҳолда илмий маълумотларга асосланган маълумотларни тақдим этиши керак.

26. Эксперт комиссияси қарори мажлисда иштирок этган комиссия аъзоларининг оддий кўпчилик овози билан қабул қилинади.

Овозлар тенг бўлган тақдирда, комиссия раисининг овози ҳал қилувчи ҳисобланади.

Эксперт комиссияси аъзосининг комиссиянинг қабул қилинган қароридан фарқ қиладиган алоҳида фикри мажлис баёнида акс эттирилади ёки ёзма шаклда алоҳида расмийлаштирилади ҳамда эксперт комиссияси мажлиси баёнининг узвий қисми ҳисобланади.

27. Эксперт комиссияси техник регламент лойиҳаси экспертизасини якунлаб қарор қабул қилгандан сўнг ушбу Низомга 2-иловага мувофиқ хулоса тайёрлайди, унда техник регламентнинг Ўзбекистон Республикасининг қонунчилик ва бошқа норматив-ҳуқуқий ҳужжатларига, халқаро нормалар ва қоидаларга мувофиқлиги юзасидан асосли хулосалар бўлиши лозим.

28. Экспертиза натижалари бўйича хулосага эксперт комиссиясининг барча аъзолари томонидан имзо (виза) қўйилади, комиссия раиси томонидан тасдиқланади ва бир ҳафта муддатда комиссия аъзоларига ҳамда манфаатдор томонларга юборилади.

29. Эксперт комиссиясининг хулосаси ижобий бўлган тақдирда, техник регламентлар лойиҳалари тасдиқлаш учун белгиланган тартибда Вазирлар Маҳкамасига киритилади.

30. Ваколатли органлар эксперт комиссиясининг якуний хулосасини веб-сайтда эълон қилади, шунингдек, белгиланган тартибда техник жиҳатдан тартибга солиш соҳасидаги масъул ваколатли давлат органи – Вазирлар Маҳкамаси ҳузуридаги Ўзбекистон техник жиҳатдан тартибга солиш агентлигига расмий веб-сайтида эълон қилиш учун тақдим этади.

31. Техник регламент лойиҳаси бўйича эксперт комиссияси хулосасини беришнинг умумий муддати лойиҳа келиб тушган санадан бошлаб 30 календарь кундан ошмаслиги керак.

32. Эксперт комиссияси хулосасининг асл нусхаси ва унга доир материаллар ваколатли органда сақланади.

Техник жиҳатдан тартибга солиш соҳасидаги
эксперт комиссиялари тўғрисидаги низомга
1-илова

Техник регламент лойиҳаларини экспертизадан ўтказиш
СХЕМАСИ

Босқичлар	Субъектлар	Тадбирлар	Ижро муддати
1-босқич	Техник регламент лойиҳасини ишлаб чиқувчи ташкилот	Техник регламент лойиҳасини эксперт комиссиясининг котибига тақдим этади.	Келиб тушган сана
2-босқич	Эксперт комиссиясининг котиби	Комиссия аъзоларига техник регламент лойиҳасини юборади.	Шу куннинг ўзида
3-босқич	Комиссия аъзолари	Техник регламент лойиҳаси бўйича ўзининг таклифлари ва мулоҳазаларини эксперт комиссияси котибига юборади.	Зарур хужжатлар олинган пайтдан бошлаб 15 календарь кун ичида
4-босқич	Эксперт комиссиясининг котиби	Комиссия мажлисларини ўтказиш муддати ва жойини, шунингдек, таклиф этилувчиларни комиссия раиси билан келишади. Комиссия аъзолари ва таклиф этилган шахсларни мажлисининг ўтказиладиган санаси, вақти, жойи ҳақида хабардор қилади.	Комиссия аъзолари таклиф ва мулоҳазаларни олганидан сўнг
5-босқич	Эксперт комиссияси	Экспертиза натижалари бўйича хулосага эксперт комиссиясининг барча аъзолари томонидан виза қўйилади, комиссия раиси томонидан тасдиқланади.	Шу куннинг ўзида
6-босқич	Эксперт комиссиясининг котиби	Экспертиза натижалари бўйича хулосани комиссия аъзоларига ва манфаатдор ташкилотларга юборади.	Бир ҳафта муддатда

Техник жиҳатдан тартибга солиш соҳасидаги
эксперт комиссияларлари тўғрисидаги низомга
2-илова

Техник регламент экспертизаси натижалари бўйича техник жиҳатдан тартибга солиш соҳасидаги эксперт комиссияси хулосасининг шакли

(техник жиҳатдан тартибга солиш соҳасидаги ваколатли давлат органининг номи)

“Тасдиқлайман”
Эксперт комиссияси раиси

(Ф.И.О. ва имзо)

Техник регламент лойиҳаси, техник регламентларга ўзгартириш ва қўшимчалар,
шунингдек, амал қилиш муддати тугаган техник регламентларни бекор қилишга
доир таклифлар ва улар юзасидан хулосалар бўйича техник жиҳатдан тартибга солиш
соҳасидаги эксперт комиссиясининг 20__ йил __ даги __-сон

ХУЛОСАСИ

____ раис _____ ва аъзолар _____ лардан
(техник регламентнинг номи) (Ф.И.О.) (Ф.И.О.)

иборат таркибдаги техник жиҳатдан тартибга солиш соҳасидаги эксперт комиссияси
томонидан Техник жиҳатдан тартибга солиш соҳасидаги Эксперт комиссиялари
тўғрисидаги низом асосида _____ экспертизаси ўтказилди.
(техник регламентнинг номи, техник регламентларга ўзгартириш ва қўшимчалар)

Экспертиза натижалари бўйича қуйидагилар аниқланди:

- _____;
- _____;
- ...

Изоҳлар:

Техник регламент лойиҳаси бўйича мулоҳазалар ва таклифлар мавжуд бўлмаган тақдирда,
техник регламент лойиҳаси Ўзбекистон Республикасининг “Техник жиҳатдан тартибга солиш
тўғрисида”ги Қонуни 15-моддасига мувофиқ кейинчалик тасдиқлаш учун юборилади.

Техник регламент лойиҳаси бўйича мулоҳазалар ва таклифлар мавжуд бўлган тақдирда,
уларнинг тўлиқ рўйхати келтирилади ва техник регламент лойиҳаси пухта ишлаш ҳамда Эксперт
комиссиясига такроран тақдим этиш учун ишлаб чиқувчига юборилади.

Комиссия аъзолари:

(Ф.И.О.)

(имзо)

Савдодаги техник тўсиқлар бўйича ахборот маркази тўғрисида НИЗОМ

I боб. Умумий қоидалар

1. Савдодаги техник тўсиқлар бўйича ахборот маркази тўғрисидаги ушбу Низом Ўзбекистон Республикасининг “Техник жиҳатдан тартибга солиш тўғрисида”ги Қонунига мувофиқ ишлаб чиқилган ва Савдодаги техник тўсиқлар бўйича ахборот марказининг фаолиятини ташкил этиш тартибини белгилайди.

2. Савдодаги техник тўсиқлар бўйича ахборот маркази (кейинги ўринларда – Ахборот маркази) ўз фаолиятида Ўзбекистон Республикаси Конституцияси, Ўзбекистон Республикасининг “Техник жиҳатдан тартибга солиш тўғрисида”ги, “Стандартлаштириш тўғрисида”ги, “Мувофиқликни баҳолаш органларини аккредитация қилиш тўғрисида”ги қонунлари ҳамда бошқа қонунчилик ҳужжатлари ва ушбу Низомга амал қилади.

3. Ахборот маркази Вазирлар Маҳкамаси ҳузуридаги Ўзбекистон техник жиҳатдан тартибга солиш агентлигининг Ўзбекистон Стандартлар институти тузилмасида алоҳида бўлинма шаклида Жаҳон савдо ташкилоти (кейинги ўринларда – ЖСТ) котибияти, ЖСТ аъзолари халқаро ва хорижий стандартлаштириш ташкилотлари ҳамда бошқа манфаатдор томонлар билан техник регламентлар, стандартлар ва мувофиқликни баҳолаш тартиб-таомилларини Ўзбекистон Республикаси қонунчилигида белгиланган тартибда ишлаб чиқиш, қабул қилиш ва қўллаш масалалари юзасидан ўзаро ҳамкорлик қилиш мақсадида ташкил этилган.

4. Ахборот маркази Ўзбекистон Республикаси ЖСТга аъзо бўлган пайтдан бошлаб, шунингдек, тегишли шартномалар кучга киргандан кейин фаолият юритади.

II боб. Ахборот марказининг асосий вазифалари

5. Қуйидагилар Ахборот марказининг асосий вазифалари ҳисобланади:

а) ЖСТга аъзо давлатларни Ўзбекистон Республикасида халқаро стандартларга асосланмаган ёки мавжуд халқаро стандартлардан сезиларли даражада фарқ қиладиган, қонуний мақсадларга эришиш учун зарур ва ЖСТга аъзо бошқа давлатлар билан товарлар савдосига сезиларли таъсир кўрсатиши мумкин бўлган янги техник регламентлар ёки мувофиқликни баҳолаш тартиб-таомиллари ишлаб чиқиладиганлиги ёхуд мавжуд техник регламентлар ва мувофиқликни баҳолаш тартиб-таомилларига ўзгартиришлар киритиладиганлиги тўғрисида ўз вақтида, уларни ишлаб чиқиш босқичида хабарномалар бериш орқали хабардор қилиш;

б) ЖСТга аъзо давлатларнинг ахборот марказлари ва бошқа манфаатдор томонларнинг барча асосланган сўровларига тегишли ваколатга эга ижро этувчи ҳокимият ва мувофиқликни баҳоловчи органлар билан ҳамкорликда жавоб берилишини таъминлаш;

в) ЖСТга аъзо давлатларнинг ишлаб чиқиладиган техник регламентлар ва мувофиқликни баҳолаш тартиб-таомиллари тўғрисидаги хабарномаларга шарҳларини ва (ёки) эътирозларини тегишли ижро этувчи ҳокимият органларига уларни муҳокама қилиш, ишлаб чиқиладиган техник регламентлар ва мувофиқликни баҳолаш тартиб-таомиллари лойиҳаларига зарур ўзгартиришлар киритиш учун юбориш;

г) ЖСТга аъзо давлатларнинг Савдодаги техник тўсиқлар (кейинги ўринларда – СТТ) соҳасида режалаштирилган ёки қабул қилинган чоралари тўғрисидаги хабарномаларни Ўзбекистон Республикасининг тегишли ижро этувчи ҳокимият органлари, корхоналари ва бошқа манфаатдор томонларга уларнинг сўровига кўра тақдим этиш.

III боб. ЖСТга аъзо давлатларга хабарномаларни тайёрлаш ва тақдим этиш тартиби

6. Ахборот маркази томонидан хабарномалар бериш ва сўровларга жавоб бериш мазкур Низомга 1-иловадаги схемага асосан амалга оширилади.

7. Ахборот маркази ЖСТга аъзо давлатларнинг техник регламентларни ва мувофиқликни баҳолаш тартиб-таомилларини ишлаб чиқиш тўғрисидаги хабарномаларини электрон жўнатиш ягона порталига обуна бўлади.

8. Стандартлар ва техник регламентлар, мувофиқликни баҳолаш тартиб-таомилларини ишлаб чиқиш ва қабул қилишнинг йиллик режалари мазкур Низомга 2-иловадаги шаклда тақдим этилади.

9. Хабарномалар мазкур Низомга 3-иловадаги шаклда тақдим этилади ва қуйидаги маълумотларни ўз ичига олиши мумкин:

ишлаб чиқиш босқичида бўлган техник регламентлар ва мувофиқликни баҳолаш тартиб-таомиллари ҳақида маълумот;

стандартлаштириш бўйича халқаро ёки минтақавий ташкилотларга аъзолик ёки иштирокчи эканлиги тўғрисида маълумот;

ишлаб чиқиладиган лойиҳанинг якуний матнини юклаб олиш манзили тўғрисида маълумот, шу жумладан, веб-сайт манзилини (ҳаволасини) кўрсатиш;

СТТ битими қоидаларини бажариш билан бевосита боғлиқ бошқа маълумотлар.

10. Хабарномада аниқ бир маҳсулот, маҳсулотлар гуруҳи ёки умумий маҳсулотларга тегишли бир ёки бир нечта техник регламентлар ва мувофиқликни баҳолаш тартиб-таомиллари тўғрисидаги маълумотлар бўлиши мумкин.

11. ЖСТга аъзо давлатларни хабардор қилиш режалаштириладиган чоралар тўғрисидаги хабарномалар ЖСТ Котибиятига юборилишидан олдин

Вазирлар Маҳкамаси ҳузуридаги Ўзбекистон Техник жиҳатдан тартибга солиш агентлиги билан келишилиши лозим.

12. Режалаштирилган чоралар тўғрисида ЖСТ Котибиятига хабарномалар ЖСТга аъзо давлатлар янги чоралар лойиҳаси билан танишиши, уларни муҳокама қилиш ва қабул қилишда ҳисобга олиниши лозим бўлган ўз шарҳлари ва (ёки) эътирозларини тақдим этиш имкониятига эга бўлишлари учун ишлаб чиқаришнинг дастлабки босқичида, келишиш учун камида 60 кун назарда тутилган ҳолда жўнатилиши керак.

13. Техник регламентлар ва мувофиқликни баҳолаш тартиб-таомиллари ЖСТга аъзо давлатлар ва маҳаллий саноат корхоналари янги чораларга мослашиш имкониятига эга бўлишлари учун уларни қабул қилиш ва расмий нашрдан сўнг 6 ой ўтгач кучга киритилиши лозим.

14. ЖСТга аъзо давлатларнинг сўровларига жавоблар, қўшимча маълумотлар инглиз тилида тақдим этилиши керак.

Агар ҳужжатлар ҳажми катта бўлса, асосий қоидаларни кўрсатган ҳолда хабардор қилинаётган чоралар мазмунини инглиз тилида бериш мумкин.

15. ЖСТга аъзо давлатлар ва манфаатдор томонларнинг сўровига биноан ҳужжатлар нусхаларини тақдим этишда унинг тўлов миқдори тақдим этиш учун сарфланган ҳақиқий харажатларга мутаносиб бўлиши керак.

IV боб. ЖСТга аъзо давлатларнинг хабарномаларини қабул қилиш, қайта ишлаш ва муҳокама қилиш тартиби

16. Ахборот маркази ЖСТга аъзо давлатларнинг СТТ соҳасида режа қилинган ёки қабул қилинган чоралари тўғрисида Ўзбекистон Республикасининг ижро этувчи ҳокимият органлари, корхоналари ва бошқа манфаатдор томонларга уларнинг сўровига биноан хабарномалар юборади.

17. ЖСТга аъзо давлатларнинг хабардор қилинган чоралари бўйича Ўзбекистон Республикасининг тегишли ижро этувчи ҳокимият органлари, корхоналари ва бошқа манфаатдорлар томонида саволлар туғилса, Ахборот маркази ЖСТга аъзо тегишли давлатга сўров юборади.

18. Ахборот маркази ЖСТга аъзо давлатлардан сўровларга жавоб олади ва олинган жавобларни ўзбек тилига таржима қилади ҳамда ижро этувчи ҳокимият органлари, корхоналари ва бошқа манфаатдор томонларга юборади.

Ахборот марказининг хабарномалар бериш ва сўровларга жавоб бериш
СХЕМАСИ

Босқичлар	Субъектлар	Тадбирлар	Ижро муддати
1-босқич	Ахборот маркази	ЖСТга аъзо давлатларнинг хабарномаларини электрон жўнатиш портали (https://eping.wto.org)га обуна бўлади.	Ўзбекистон ЖСТга аъзо бўлганида
2-босқич	Ахборот маркази, Ўзбекистон техник жиҳатдан тартибга солиш агентлиги	Стандартлар, техник регламентлар, мувофиқликни баҳолаш тартиб- таомилларини ишлаб чиқиш ва қабул қилишнинг йиллик режаларини тақдим этади.	Ҳар йил якуни билан (20 декабрга қадар)
3-босқич	Ахборот маркази, техник регламентни ишлаб чиқувчи ташкилот	Қуйидагиларни илова қилган ҳолда хабарнома тайёрлайди ва юборади: ишлаб чиқиш босқичида бўлган техник регламент ва мувофиқликни баҳолаш тартиб-таомиллари ҳақида маълумот; ишлаб чиқилаётган ёки қабул қилинаётган техник регламентлар ва мувофиқликни баҳолаш тартиб- таомиллари тўғрисида дастлабки хабарномага қўшимчалар.	Ушбу хужжат лойиҳалари ишлаб чиқилган дастлабки босқичларда
4-босқич	Ахборот маркази	Хабарномада кўрсатилган ишлаб чиқилган техник регламентлар ва мувофиқликни баҳолаш тартиб- таомиллари лойиҳалари бўйича ЖСТ Котибияти ва аъзо давлатлар томонидан тақдим этилган шарҳлар ва (ёки) эътирозларни қабул қилади.	60 кун мобайнида
5-босқич	Ахборот маркази, техник регламентни ишлаб чиқувчи ташкилот	ЖСТ Котибияти ва унга аъзо давлатлардан техник регламентлар ва мувофиқликни баҳолаш тартиб- таомиллари лойиҳалари бўйича шарҳлар ва (ёки) эътирозларни таржима қилади ва тегишли лойиҳа ишлаб чиқувчиларига юборади.	Шарҳлар ва эътирозлар қабул қилинган кунда

Савдодаги техник тўсиқлар бўйича
ахборот маркази тўғрисидаги низомга
2-илова

**Стандартлар ва техник регламентлар, мувофиқликни баҳолаш
тартиб-таомилларини ишлаб чиқиш режаси шакли**

Т/р	Меъёрий хужжатнинг номи ва белгиланиши	Ишлаб чиқиш учун асос	Тақдим этиш муддати	Ишлаб чиқиш учун масъул
1	2	3	4	5

Савдодаги техник тўсиқлар бўйича ахборот
маркази тўғрисидаги низомга
3-илова

**Жаҳон савдо ташкилотининг Савдодаги техник тўсиқлар бўйича
хабарномаси шакли ва уни тўлдириш
ЙЎРИҚНОМАСИ**

1.	Хабар берувчи битим иштирокчиси: Ўзбекистон Республикаси
2.	Хужжат ишлаб чиқувчи масъул орган: Масъул орган номи ва манзили (жумладан, телефон ва факс рақами, электрон почта манзили, веб-сайт):
3.	Хабарнома қуйидаги моддаларга мувофиқ тайёрланди: 2.9.2 [], 2.10.1 [], 5.6.2 [], 5.7.1 [], бошқалар:
4.	Товарларнинг (ташқи иқтисодий фаолият товар номенклатураси (ТИФ ТН) кодлари (қўшимча тарзда халқаро стандартлар классификатори кодлари кўрсатилиши мумкин):
5	Хужжат номи, қайси тилдалиги, саҳифалари сони:
6.	Чораларнинг мазмуни тавсифи:
7.	Мақсад ва асослаш, жумладан, агар зарур бўлса, хужжатни қабул қилиш учун юзага келган долзарб муаммо:
8.	Бошқа тегишли хужжатлар:
9.	Тахминий қабул қилиш (тасдиқлаш) санаси: Тахминий жорий қилиш санаси:
10.	Шарҳлар тақдим этишнинг якуний санаси:
11.	Хужжат лойиҳаси мавжуд манзил: [] Ахборот маркази ёки бошқа органнинг манзили алоқа учун шахс (И.Ф.О ва эгаллаган лавозими) электрон почта манзили телефон/факс

Тўғри тўлдириш бўйича қўлланма:

1-графа: ҳар доим Ўзбекистон Республикаси кўрсатилади;

2-графа: хужжат лойиҳасини ишлаб чиққан орган номи кўрсатилади. Бундан ташқари, ушбу лойиҳа бўйича шарҳ, эътироз ва саволларни кўриб чиқиш учун тайинланган орган ёки ташкилотнинг номи кўрсатилиши керак (ташкилотнинг тўлиқ манзили, телефон ва факс рақамлари (агар мавжуд бўлса), учинчи томон сўровлари учун электрон почта ва расмий веб-сайт манзили ҳам кўрсатилади);

3-графа: ЖСТнинг СТТ тўғрисидаги битими қоидаларига мувофиқ тегишли хужжат лойиҳаси ёнидаги майдонга [x] белгиси қўйилади:

2.9.2 модда: *техник регламент лойиҳаси ҳақида хабарнома;*

2.10.1 модда: *хавфсизлик, соғлиқни сақлаш, атроф-муҳитни муҳофаза қилиш ёки миллий хавфсизликни таъминлаш бўйича фавқулодда вазият ёки долзарб муаммолар юзага келиш хавфи тузилганда қабул қилинган техник регламент тўғрисидаги хабарнома;*

5.6.2-модда: мувофиқликни баҳолаш тартиб-таомили лойиҳаси тўғрисидаги хабарнома;

5.7.1-модда: хавфсизлик, соғлиқни сақлаш, атроф-муҳитни муҳофаза қилиш ёки миллий хавфсизликни таъминлашда долзарб муаммолар юзага келганда ёки юзага келиш хавфи тугилганда мувофиқликни баҳолаш тартиб-таомили тўғрисидаги хабарнома.

4-графа: одатда эркин матн шаклида ва/ёки ТИФ ТН кодлари ёки халқаро стандартлар классификатори кодлари ёрдамида бериладиган тартибга солинадиган товарлар тўғрисидаги маълумотлар келтирилади. Мутахассислар ва таржимонлар учун хабарномалар тушунарли бўлиши учун товар номенклатурасини аниқ тавсифи зарур, шунинг учун қисқартмалардан фойдаланмаслик лозим.

5-графа: ишлаб чиқиладиган ёки қабул қилинган техник регламентлар ёки мувофиқликни баҳолаш тартиб-таомилларининг номи, шунингдек, хабарнома ҳужжатидаги саҳифалар сони кўрсатилган. Шу билан бирга, хабарнома ҳужжатлари тақдим этиладиган тил(лар) кўрсатилиши керак, шунингдек, ҳужжатни таржима қилиш режалаштирилганлиги ёки таржима қилинган қисқача мазмун мавжудлиги қайд этилиши лозим;

6-графа: таклиф қилинган ёки қабул қилинган техник регламентлар ёки мувофиқликни баҳолаш тартиб-таомилларининг аннотацияси бўлиши керак. Бу таклиф қилинадиган ёки қабул қилинган чоранинг асосий хусусиятларини аниқ ва тушунарли (хусусан, агар хабарнома берилган ҳужжат ЖСТнинг расмий тилида бўлмаса) тавсифи бўлиши керак. Бу мутахассис ва таржимонлар томонидан хабарномаларни тушуниш учун муҳим. Қисқартмалардан фойдаланмаслик керак;

7-графа: техник регламент ёки мувофиқликни баҳолаш тартиб-таомиллари лойиҳасининг мақсади ва асосига бағишланган, жумладан, шошилинч сабаблар тавсифи (агар мавжуд бўлса). Техник регламентлар учун СТТ битими 2.2-моддасига, мувофиқликни баҳолаш тартиб-таомиллари учун СТТ битими 5.4-моддаси йўналишида бўлиши лозим. *Мисоллар: аҳоли ҳаёти ва соғлиғини муҳофаза қилиш, атроф-муҳитни муҳофаза қилиш, миллий хавфсизликни таъминлаш ва бошқалар.*

Тавсиялар 6-қаторда келтирилганлари билан бир хилда. Техник регламентлар ёки мувофиқликни баҳолаш тартиб-таомиллари бир эмас, бир нечта қонуний мақсадларни назарда тутиши мумкин, бундай ҳолда барча тегишли қонуний мақсадлар кўрсатилиши керак;

8-графа: қуйидагилар кўрсатилади:

- 1) хабарнома эълон қилинган нашр/веб-сайт номи, жумладан, сана ва рақам;
- 2) ҳужжат қабул қилинганидан кейин жойлаштириладиган нашр/веб-сайт номи;
- 3) тегишли халқаро стандарт ёки бошқа меъёрий ҳужжатга ҳавола;
- 4) агар ҳужжатни тақдим этиш учун тўлов белгиланган бўлса, тўлов миқдори.

9-графа:

1) техник регламентлар ёки мувофиқликни баҳолаш тартиб-таомиллари қабул қилиниши кутиладиган сана;

2) СТТ битимининг 2.12 ва 5.9-моддалари қоидаларига мувофиқ техник регламентлар ёки мувофиқликни баҳолаш тартиб-таомиллари кучга киришининг кутиладиган санаси;

10-графа: ЖСТга аъзо давлатлар СТТ битимининг 2.9.4; 2.10.3; 3.1. моддаларига мувофиқ шарҳ бериши мумкин бўлган сана. Бунда аниқ сана белгиланиши лозим. СТТ битимининг қоидаларига кўра шарҳларни топшириш муддати 60 кун.

11-графа: Агар матн Ахборот марказида мавжуд бўлса, унда тегишли майдонга [х] белгиси қўйилиши керак. Агар матнни бошқа органдан олиш мумкин бўлса, ушбу орган билан алоқа маълумотларини (яъни, алоқа қиладиган шахс, электрон почта, телефон, почта манзили ва веб-сайт манзили) кўрсатиш керак. Тегишли хабарнома юборилган техник регламентлар ва мувофиқликни баҳолаш тартиб-таомиллари матнларига киришни янада осонлаштириш учун веб-сайт манзилини кўрсатиш тавсия этилади, у ердан аъзолар хабардор қилинган чоранинг тўлиқ матнини ёки матнга тез ва осон кириш учун фойдаланиладиган бошқа манбаларни юклаб олиш мумкин.

Вазирлар Маҳкамасининг
2024 йил 25 мартдаги 153-сон қарорига
3-илова

Ўзбекистон Республикаси Ҳукуматининг айрим қарорларига киритилаётган ўзгартиришлар

1. Вазирлар Маҳкамасининг “Болалар ўйинчоқларининг хавфсизлиги тўғрисидаги умумий техник регламентни тасдиқлаш ҳақида” 2020 йил 24 июндаги 451-сон қарорида:

а) қарор номидаги, 1, 3 ва 4-бандлардаги, қарорга илова номидаги “умумий” сўзи чиқариб ташлансин;

б) қарорга илова билан тасдиқланган техник регламентнинг 1-бандидаги “умумий” ва “(кейинги ўринларда – Техник регламент)” сўзлари чиқариб ташлансин;

в) қарорга илованинг тўртинчи боби қуйидаги таҳрирда баён этилсин:

“4-боб. Мувофиқлигини тасдиқлаш

68. Болалар ўйинчоқлари эркин муомалага чиқарилишидан олдин мазкур техник регламент талабларига мувофиқлиги тасдиқланиши лозим.

Болалар ўйинчоқларининг мувофиқлигини тасдиқлаш сертификатлаштириш шаклида амалга оширилади. Сертификатлаштириш белгиланган тартибда аккредитациядан ўтган сертификатлаштириш органлари томонидан 1с, 2с 3с сертификатлаштириш схемаларини қўллаган ҳолда сертификатлаштириш тартибига мувофиқ амалга оширилади.

Сертификатлаштириш учун синашлар Миллий аккредитация тизими реестрига киритилган синаш лабораторияларида амалга оширилади.

Ўзбекистон техник жиҳатдан тартибга солиш агентлиги томонидан тасдиқланадиган болалар ўйинчоқлари хавфсизлиги тўғрисидаги техник регламент талабларига риоя этилишини таъминлайдиган ҳамда техник регламентларда белгиланган маҳсулотнинг мувофиқлигини баҳолаш учун зарур бўлган, намуналар олиш, синаш ва ўлчаш усуллари белгиладиган стандартлар рўйхатидаги ҳужжатлар қўлланмаган ҳолларда ёки ушбу ҳужжатлар бўлмаганда, болалар ўйинчоқларининг мувофиқлиги ушбу техник регламентни 68-бандининг б) кичик бандига асосан (1с, 2с, 3с схемалар) тасдиқланади.

Серияли ишлаб чиқарилган болалар ўйинчоқларини сертификатлаштириш 1с, 2с схемалар бўйича амалга оширилади. Сертификатлаштириш учун болалар ўйинчоқлари намуналари сертификатлаштириш органи ёки унинг ваколатли вакили томонидан танланади. Болалар ўйинчоқлари партиясини сертификатлаштириш 3с схема бўйича амалга оширилади. Ўзбекистон Республикаси ҳудудига олиб кириладиган болалар ўйинчоқлари партияси импорт қилувчи ёки ишлаб чиқарувчининг ваколатли вакили томонидан Ўзбекистон Республикаси ҳудудига олиб келингунга қадар сертификатлаштирилади. Сертификатлаш учун болалар ўйинчоқлари намуналари сертификатлаштириш органи томонидан танланади.

а) Болалар ўйинчоқларини сертификатлаштиришда (1с, 2с, 3с схемалар) ишлаб чиқарувчи ёки ишлаб чиқарувчининг ваколатли вакили, импорт қилувчи сертификатлаштириш органига қуйидаги ҳужжатларни тақдим этади:

болалар ўйинчоқларини ишлаб чиқариш учун фойдаланилган ҳужжатлар (1с, 2с схемалар);

болалар ўйинчоқларининг рангли тасвирдаги намуналари;

болалар ўйинчоқларининг конструкторлик ёки техник хусусиятлари берилган ҳужжатлар нусхаси;

хомашё, материаллар ва бутловчи қисмлар, шунингдек, уларни ишлаб чиқарувчилар ва импорт қилувчилар тўғрисидаги маълумотлар;

фойдаланиш бўйича ҳужжатлари (агар мавжуд бўлса);

Ўзбекистон техник жиҳатдан тартибга солиш агентлиги томонидан тасдиқланадиган болалар ўйинчоқлари хавфсизлиги тўғрисидаги техник регламент талабларига риоя этилишини таъминлайдиган ҳамда техник регламентларда белгиланган маҳсулотнинг мувофиқлигини баҳолаш учун зарур бўлган, намуналар олиш, синаш ва ўлчаш усуллари белгилайдиган стандартлар;

болалар ўйинчоқларини ишлаб чиқаришга сифат менежмент тизими жорий қилинганлигини тасдиқловчи мувофиқлик сертификати (2с схема);

шартнома (етказиб бериш шартномаси) ёки жўнатиш ҳужжатлари (болалар ўйинчоқлар партияси учун) (2с схема).

Сертификатлаштириш органи:

болалар ўйинчоқларини идентификация қилади;

техник регламент талабларини қўллаш ва бажариш ҳамда маҳсулотнинг мувофиқлигини баҳолаш (тасдиқлаш) учун зарур намуналарни танлаш қоидалари белгиловчи техник жиҳатдан тартибга солиш соҳасидаги норматив-ҳуқуқий ҳужжатлар талабларига мувофиқлигини текширишни ташкил қилади ва синов баённомаларини таҳлил қилади.

Ишлаб чиқариш ҳолатини таҳлил қилади (1с схема).

Серияли ишлаб чиқарилган болалар ўйинчоқлари учун мувофиқлик сертификатининг амал қилиш муддати 5 йилга, болалар ўйинчоқлари партияси учун мувофиқлик сертификатининг амал қилиш муддати чекланмаган вақтга берилади.

Ишлаб чиқарувчи (ишлаб чиқарувчини ваколатли вакили), импорт қилувчи: болалар ўйинчоқлари тамғасига мувофиқлик белгисини жойлаштиради; мувофиқлиги тасдиқлангандан сўнг қуйидаги ҳужжатларни шакллантиради: ушбу техник регламентнинг 68-банди а) кичик бандида келтирилган ҳужжатларни;

синаш баённомаларини;

ишлаб чиқариш ҳолатининг таҳлили натижаларини;

мувофиқлик сертификатини.

Сертификатлаштириш органи сертификатланган болалар ўйинчоқлари устидан инспекция назоратини қуйидаги тадбирлар орқали амалга оширади:

намуналарни белгиланган тартибда аккредитациядан ўтган синов лабораториясида (марказда) синовдан ўтказиш ва (ёки) ишлаб чиқариш ҳолатини таҳлил қилиш (1с схема);

намуналарни белгиланган тартибда аккредитациядан ўтган синов лабораториясида (марказда) синовдан ўтказиш ва ишлаб чиқариш объектини сифат менежменти тизимини сертификатлаштирган сертификатлаштириш органи томонидан ўтказилган инспекция назорати натижаларини таҳлил қилиш (2с схема).

б) Ўзбекистон Республикаси Вазирлар Маҳкамаси ҳузуридаги Ўзбекистон техник жиҳатдан тартибга солиш агентлиги томонидан тасдиқланадиган болалар ўйинчоқлари хавфсизлиги тўғрисидаги техник регламент талабларига риоя этилишини таъминлайдиган стандартлаштиришга доир ҳамда маҳсулотларнинг намуналарини олиш, синов ва ўлчов усуллариини белгиловчи техник жиҳатдан тартибга солиш соҳасидаги норматив-ҳуқуқий ҳужжатлар рўйхатидаги ҳужжатлар қўлланилмаган ҳолларда ёки ушбу ҳужжатлар бўлмаганда (1с, 2с, 3с схемалар):

ишлаб чиқарувчи (ишлаб чиқарувчининг ваколатли вакили), импорт қилувчи болалар ўйинчоқлари ушбу техник регламентнинг хавфсизлик талабларига мувофиқлигини тасдиқловчи қуйидаги ҳужжатлар тўпламини сертификатлаштириш органига тақдим этади:

болалар ўйинчоқларини ишлаб чиқаришда фойдаланилган ҳужжат (1с, 2с схемалар);

болалар ўйинчоқларининг рангли тасвирдаги намуналари;

болалар ўйинчоқларининг конструкторлик ёки техник хусусиятлари берилган ҳужжатлар нусхаси;

фойдаланиш бўйича ҳужжатлар (агар мавжуд бўлса);

хомашё, материаллар ва бутловчи қисмлар, шунингдек, уларни ишлаб чиқарувчи ва импорт қилувчилар тўғрисидаги маълумотлар (1с, 2с схемалар);

ушбу техник регламентнинг хавфсизлик талабларига мувофиқлигини тасдиқловчи қабул қилинган техник ечимларнинг тавсифи ва хатарларни баҳолаш ҳужжатлари;

болалар ўйинчоқларини ишлаб чиқаришга сифат менежмент тизими жорий қилинганлигини тасдиқловчи мувофиқлик сертификати (2с схема);

шартнома (етказиб бериш шартномаси) ёки жўнатиш ҳужжатлари (болалар ўйинчоқлар партияси учун) (3с схема).

69. Сертификатлаштириш органи:

Болалар ўйинчоқларини идентификация қилади;

болалар ўйинчоқларини мазкур техник регламент талабларига мувофиқлиги юзасидан сертификатлаштиради. Бунда сертификатлаштириш органи:

ушбу техник регламентнинг хавфсизлик талабларидан келиб чиқиб, сертификатлаштирилаётган болалар ўйинчоқлари учун аниқ хавфсизлик талабларини аниқлайди;

ишлаб чиқарувчи томонидан амалга оширилган ушбу техник регламентларнинг хавфсизлик талаблари бажарилишини тасдиқловчи қабул қилинган техник ечимларни таҳлил қилиш ва хатарларни баҳолашни амалга оширади;

ўйинчоқларнинг мувофиқлигини тасдиқлаш учун Техник регламент талабларини қўллаш ва бажариш ҳамда маҳсулотнинг мувофиқлигини баҳолаш (тасдиқлаш) учун зарур бўлган намуналарни танлаш қоидаларини белгиловчи техник жиҳатдан тартибга солиш соҳасидаги норматив ҳужжатлар рўйхатидан ушбу белгиланган аниқ хавфсизлик талабларини аниқлаш учун синов усуллари стандартиларини аниқлайди;

иновлар ўтказилишини ташкил этади ва синаш баённомаларини таҳлил қилади;

ишлаб чиқариш ҳолатини таҳлил қилади (1с схема).

Серияли ишлаб чиқарилган болалар ўйинчоқлари учун мувофиқлик сертификатининг амал қилиш муддати 5 йилга, болалар ўйинчоқлари партияси учун мувофиқлик сертификатининг амал қилиши чекланмаган муддатга берилади.

Ишлаб чиқарувчи (ишлаб чиқарувчининг ваколатли вакили), импорт қилувчи:

болалар ўйинчоқлари тамғасига мувофиқлик белгисини жойлаштиради;
мувофиқлиги тасдиқлангандан сўнг қуйидаги ҳужжатларни шакллантиради:
ушбу техник регламентнинг 69-бандида келтирилган ҳужжатларни;
синаш баённомаларини;
ишлаб чиқариш ҳолати таҳлили натижаларини;
мувофиқлик сертификатини.

Сертификатлаштириш органи сертификатланган болалар ўйинчоқлари устидан инспекция назоратини қуйидаги тадбирлар орқали амалга оширади:

намуналарни белгиланган тартибда аккредитациядан ўтган синов лабораториясида (марказда) синовдан ўтказиш ва (ёки) ишлаб чиқариш ҳолатини таҳлил қилиш (1с схема);

намуналарни белгиланган тартибда аккредитациядан ўтган синов лабораториясида (марказда) синовдан ўтказиш ва ишлаб чиқариш объектинини сифат менежменти тизимини сертификатлаштирган сертификатлаштириш орган томонидан ўтказилган аудит натижаларини таҳлил қилиш (2с схема).

70. Болалар ўйинчоқларига тегишли ҳужжатлар тўплами ишлаб чиқарувчилар томонидан болалар ўйинчоқларининг ишлаб чиқарилиши тўхтатилган (бекор қилинган) кундан, болалар ўйинчоқларини импорт қилувчилар томонидан сўнгги маҳсулот сотилган кундан бошлаб камида 10 йил давомида сақланиши керак”.

2. Вазирлар Маҳкамасининг “Минерал ўғитлар хавфсизлиги тўғрисидаги умумий техник регламентни тасдиқлаш ҳақида” 2022 йил 1 мартдаги 91-сон қарорида қарор номидаги, 1, 3 ва 5-бандлардаги, қарорга иловалар номидаги, қарорга илова билан тасдиқланган техник регламентнинг 1-бандидаги “умумий” сўзи чиқариб ташлансин.

3. Вазирлар Маҳкамасининг “Ёнғин хавфсизлигини таъминлаш ва ёнғин ўчириш воситаларига қўйиладиган талаблар тўғрисидаги умумий техник регламентни тасдиқлаш ҳақида” 2022 йил 28 сентябрдаги 536-сон қарорида қарор номидаги, 1-бандидаги, қарорга илова номидаги, қарорга илова билан тасдиқланган техник регламентнинг 1-бандидаги, қарорга илова билан тасдиқланган техник регламентга илова номидаги “умумий” сўзи чиқариб ташлансин.

4. Вазирлар Маҳкамасининг “Фойдаланишга топшириладиган ҳаракатдаги темир йўл таркиби хавфсизлиги тўғрисидаги умумий техник регламентни тасдиқлаш ҳақида” 2022 йил 28 сентябрдаги 537-сон қарорида қарор номидаги, 1 ва 4-бандларидаги, қарорга иловалар номидаги, қарорга илова билан тасдиқланган техник регламентнинг 1-бандидаги, қарорга иккинчи илова биринчи босқичининг чора-тадбирлар устунидаги “умумий” сўзи чиқариб ташлансин.

5. Вазирлар Маҳкамасининг “Аттракционлар хавфсизлиги тўғрисидаги умумий техник регламентни тасдиқлаш ҳақида” 2022 йил 28 ноябрдаги 677-сон қарорида қарор номидаги, 1, 2 ва 4-бандларидаги, қарорга иловалар номидаги, қарорга иккинчи илова биринчи босқичининг тадбирлар устунидаги “умумий” сўзи чиқариб ташлансин.

6. Вазирлар Маҳкамасининг “Таълим муассасалари учун матбаа маҳсулотлари хавфсизлиги талабларини белгилашнинг умумий техник регламентини тасдиқлаш тўғрисида” 2022 йил 28 декабрдаги 726-сон қарорида:

а) қарор номидаги, 1-бандидаги, қарорга илова билан тасдиқланган техник регламентнинг номидаги, қарорга илова билан тасдиқланган техник регламентнинг 1-боби биринчи параграфидаги, қарорга илова билан тасдиқланган техник регламентнинг 43-банди саккизинчи хатбошисидаги “умумий” сўзи чиқариб ташлансин.

б) қарорга илова билан тасдиқланган техник регламентнинг 1-банди учинчи хатбошиси чиқариб ташлансин.

Вазирлар Маҳкамасининг
2024 йил 25 мартдаги 153-сон қарорига
4-илова

**Ўзбекистон Республикаси Ҳукуматининг ўз кучини йўқотган
деб ҳисобланаётган қарорлари рўйхати**

1. Вазирлар Маҳкамасининг “Техник жиҳатдан тартибга солиш тўғрисида”ги Ўзбекистон Республикаси Қонунини амалга оширишни давом эттириш чоратадбирлари ҳақидаги” 2010 йил 10 майдаги 86-сон қарори.

2. Вазирлар Маҳкамасининг “Ўзбекистон Республикаси Ҳукуматининг айрим қарорларига қўшимчалар киритиш тўғрисида” 2016 йил 8 сентабрдаги 289-сон қарорига илова.

3. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек, баъзиларини ўз кучини йўқотган деб ҳисоблаш тўғрисида” 2020 йил 16 январдаги 30-сон қарорига 2-илованинг 5-банди.

4. Вазирлар Маҳкамасининг “Ўзбекистон Республикаси Инвестициялар ва ташқи савдо вазирлиги ҳузуридаги Ўзбекистон техник жиҳатдан тартибга солиш агентлиги тўғрисидаги ва Ўзбекистон техник жиҳатдан тартибга солиш агентлигининг Техник жиҳатдан тартибга солиш, стандартлаштириш, сертификатлаштириш ва метрология соҳасида давлат назорати департаменти тўғрисидаги низомларни тасдиқлаш ҳақида” 2022 йил 11 майдаги 114-сон қарорига 3-илованинг 5-банди.

